

मनुहार | By Shital Chandak Sharma

ओ बाबा थाने काई काई भावे बोलो काई भोग लगावां
काई थाने माखन मिश्री भावे केसरियो दूध बनावा

खाटू का राजा थारी करा मनुहार मैं
भोग लगाओ सांवरा जी म्हारी सेवा स्वीकारो सांवरा
ओ म्हें मक्के कि रोटी ल्याया सरसो के साग के सागे
ओ बाबा म्हें कढ़ी कचौड़ी ल्याया है दाल बाटी भी आगे
ओ बाबा थाने काई काई भावे

ओ बाबा मिश्रीकंद मीटो मीटो म्हें चटपटा बेरिया ल्याया
ओ बाबा म्हें ल्याया आलू बुखारा कोई खाटा केरिया ल्याया
ओ बाबा थाने काई काई भावे

ओ बाबा जी काजू किशमिश ल्याया खुरमानी पिस्ता छुआरा
अजी अखरोट बादाम मुनक्का चिलगोजा भी है न्यारा
ओ बाबा थाने काई काई भावे

ओ बाबा जी जीम्या पाछे थोड़ी थे सौंफ इलायची चबाओ
ओ बाबा म्हें नागर पान भी ल्याया थे आनंद लेकर खाओ
ओ बाबा जी गोलू टावर थारो बीके सिर पे हाथ फिराओ
काई थाने माखन मिश्री भावे केसरियो दूध बनावा
ओ बाब थाने काई काई भावे.....

<https://bhaktivandana.com/lyrics/%e0%a4%ae%e0%a4%a8%e0%a5%81%e0%a4%b9%e0%a4%be%e0%a4%b0-by-shital-chandak-sharma/>